



nuko turayibwira tuti: Ni wowe mutware wacu! Maze iradusubiza iti: "Umutware ni Allah", turongera turayibwira tuti: Noneho ni wowe mwiza kuturuta, umunyacyubahiro w'indashyikirwa! Irabasubiza iti: "Mujye munyita uko musanzwe munyita, cyangwa se ibimeze nkabyo, ariko mwitonde mutazagwa mu mutego wa Shitani

Hadith yaturutse kwa Abdillah Ibun A-Shikhir (Imana imwishimire) yaravuze ati: Najyanye n'intumwa zihagarariye bene Amir zari zigiye ku Ntumwa y'Imana (Imana iyihe amahoro n'imigisha), nuko turayibwira tuti: Ni wowe mutware wacu! Maze iradusubiza iti: "Umutware ni Allah", turongera turayibwira tuti: Noneho ni wowe mwiza kuturuta, umunyacyubahiro w'indashyikirwa! Irabasubiza iti: "Mujye munyita uko musanzwe munyita, cyangwa se ibimeze nkabyo, ariko mwitonde mutazagwa mu mutego wa Shitani."

[Hadithi y'impamo] [Yakiriwe na Abu Dawud na Ahmad]

Itsinda ry'abantu ryagiye ku Ntumwa y'Imana (Imana iyihe amahoro n'imigisha), bayigezeho bayibwira bayishimagiza amwe mu magambo Intumwa y'Imana (Imana iyihe amahoro n'imigisha) itishimiye, Barayibwira bati: Uri umutware wacu! Nuko Intumwa y'Imana (Imana iyihe amahoro n'imigisha) irabasubiza iti: Umutware ni Allah! Kuko niwe Nyir'ubutware bwuzuye ku biremwa bye, nabyo bikaba abagaragu bayo. Barongera barayibwira bati: Noneho ni wowe mwiza kuturuta, rudasumbwa mu cyubahiro n'urwego! Ni nawe w'ikirenga, umunyabuntu kuturuta! Intumwa y'Imana (Imana iyihe amahoro n'imigisha) irangije ibereka ko bazajya bakoresha ibyo basanzwe bavuga, ntibigore bashaka izindi nyito, kugira ngo Shitani itazabashora mu kuyikabiriza no kurengera bishobora kubagusha mu ibangikanyamana n'inzira zaryo zitandukanye.

النّجّات الخيريّة
ALNAJAT CHARITY

